

GU UA'NA'N GU JUUDAS

NAR NOBII'Ñ GUCH XOI'KAM

*Na mui' ba ja ñio'kdha' gu Juudas guch Xoi'kam
ji'iñg'i'ñdham*

¹ Aañ Juudas nañ jir ja'nni'ñ gu Santiago gio nañ jir tujuandam tugi'ñ guch Xoi'kam, mu tu jam ua'ñxi'ñ iñ jiñ jaaduñ jich Xoi'kam bhaan mu ja'p na pim jax tu oi'dha' na ji'k xi jam joi'ndat jam a'm ba ti niidhim gu Dios jich Gi'kora' na pim ba ti ji'iñg'i'ñ buiñor guch Xoi'kam no' pim siamri mijí ja'p pai'x bhai'm ilhii'ñ. ² Moo git ba' gø'kam ki'n jam a'm ti niidhidhat xi jam joi'gi'nda' gu Dios na pim ba' gammijix ji'jikgim pix yup tui'ka' biix ji'ma'n, gam na pim xim jajoi'gi'nda'.

*Nam jax jir tu'm kam gui' nam tu iatgi'ñdha'
(2 Peegro 2:1-17)*

³ Bijik dir jañ mijí tii xi chu jam ua'ñxidham ka'ñ jaaduñ, nañ tii bhaan xi chu jam a'gidham ka' nat ji'k tu' jax dhuu guch Xoi'kam jan'o' nat tuch ñamkix guch ua'tulhdhara' nach ba' cham kach chulhiiña' gatuuk. Ku ba' gu' xib jumai bhaan xi chu jam a'gidham iñ ji, cham tu' dhi'. Xib gu' dai ji nañ pui' tii xi jam tiidam dhi u'uan ta'm jiñ jaaduñ na pim mui' xim guguuxdhatgida' na pim jix biiñak kat biix jam jujur ki'n mi' pui' xi jiimda' na jax jum kai'ch gux bhai'm kai'chdham ñio'ki'ñ guch Gi'kora', nat jich chianik nach saak mi' pui' tu kuugalhdhidha' na ji'k xich joi'ndat

jich a'm ba ti niidhim. ⁴ Tiix buam jiñ aa' iñ gu' na mit bhiji ba ji kai'ñcha jam bui gui' nam tu iatgi'ñ, nam pui' kai'ch na sap cham tum aa' nach tu' ka'm nii'ñdha' guch Xoi'kam, na gu' sap pur cham tu'. Gam nam pui' kai'chit oipo na sap cham ji'xdha'ch chulhiiñchuda' gu Dios sia kuch jix buam tu bua na jax cham kii' ka'm nii'ñ, na gu' sap gui'r jix bhai'kam, cham ji'xdha' na noop ba jich chulhiiñchuda'. Ku ba' gu' dhi' am ti'ñchoka' am ji nax io'm ja tulhiiñchuda' guch Gi'kora', na mit gu' giilhim ge' bam ua'tulh buiñor. Pui' ja'k tu daaxix gu ñio'ki'ñ mi' nat pai' tum ua'nak bijik na jax ja dooda' gu pu'ñi chu'm gu ja'tkam. Cham jir am gu' gu pui' nam jax kai'chit oipo bhaan xim iatat nam sap pik ba' ti jiig'iñ nat gu Dios jix ja joi'ndak ja palhbui, gu' na jax dhui pix bhaan cham maati' ka' ji nam cham kiigalhdhat jix bhaamut aa' guch Xoi'kam, gam nam biix aixim tu bua na jax cham kii' ka'm nii'ñ.

⁵ Na gu' dhi' ja'pni jia nat jax tu ja dooda bo bijik guch bopxi kat. Pu kani git nañ moo palhiip bhaan xi chu jam a'gidha'. Jano' nam bhammi dir tu ja juantu'nda' Ejipto gu Israel kam ja'tkam, gu Dios ja palhbui na mit ba' bha bubua yammi dir ja'k Kanaan. Yammi dir nat ja aichdhak ba' moo dai nat jup ba ja koi gui' na mit ji'k cham tu' ka'm tii na jax tiix aagat. Dhi' pu'ñip tu ja dooda'. ⁶ Gio ja'pni ip na jax gu noonbi'ñ gu Dios jan'o' na mit ge'kam ki'n jum ua'tulh buiñor, na mit dai diihl ge'gerkam ba jim ilh, gio na mit pui' ba ji chu duu nam diihl jax ilhii'ñ. Jaiñ nat cham tu' tu ja uañ gu Dios, pu moo jan'o' ji nat tu chia nam ja buuprai bapaiñum titropiñ ki'n mijji ja'p ka xi ja kuupa' mi' maa'n kap

na pai'x io'm jix chu tukgam, jan'o' juugit na pai'
dhuuk tum kuugalhdha' ya' dhi oi'ñga'n na xi ja
aa'ñdhai na mit tu' bhaan cham am bua na ba' moo
mu ja'k xi ja iabu' nam pai' gammiji mi' pup jum
tulhiiñdha'. ⁷ Gio ja'pni ip na pim jax bax maat nat
tu ja dooda bijik gui' nam mu oi'ñkat Sodooma, gio
ja'pni ja'k na pai' Gomorra ti ti', gio mi' dhir ja'p
biix xikoolh na jax a'lhich jir kikcham kat, nat tai
ki'n ja koi bo gu Dios nam cham tu' ka'm nii'ñdha'.
Pu'ñi biix aixim tu buada' am na jax cham kii' ka'm
nii'ñdha', gam nam giilhim mui' ja biim boppoda'
gu u'uub, gam sia diihl dai chichio'ñ. Gammiji nam
jax aajidha' nam pu tu buichgida', ja'pni kai'ñkam
ba' ja mii'ñ gu Dios, na mit gu' giilhim ge' bam
ua'tulh buiñor. Sia xib jam dho pui miijim mu na
pai' ge' miiim gu tai na cham ji'xdha' tukia', ba'
dhi' gammiji mi' pup jum tulhiiñdha' am. Dhi'ch
ba' bhaan ti'ñchoka' xib na pu'ñip tuch jimia' aach
no'ch jax dhuuk cham tu' ka'm tigia' gu Dios.

⁸ Ba' dhi' dhi ja'tkam nañ jaroi' ja aa' na mit bha
ja'p maakam ba ji jam iatgi, pu'ñi ja'k eup tu ja
dooda', na mit gu' pui' ge'p bam ua'tulh biixchu'
bhaan, gam nam pui' kai'chit oipo na cham tu'r
jich Ge'kam tuk guch Xoi'kam. Gio gu' cham tu'
ka'm nii'ñ am pui' xi kai'chit, daman tu' pix ja
iñhii'ñ am gui' nam ya ja'p jir ge'gérkam. Sia gu
noonbi'ñ gu Dios gampai' pix ja bia' am, dai nam
giilhim xi ja ai'chuxdhat, nam gu' ja'p moo tu' nam
pix bhaan ge'gérkam jum taat ka'. ⁹ Cham pui'
na gu Migial gui' nar nobii'ñ gu Dios, na cham
pai' moo ja'p pu'ñi pik ge'kam jum taat sia kur
ja ge'kam tuk biix na ji'k noonbi'ñ gu Dios. Jaiñ
na cham pai' jax xi chitda gu ja'ook diihl ge'kam

rum taatit na jax ilhii'ñ janō' nat joot gu Dios na baabuidhai yaaspa' gu tukga'n gu Moisees nat ba muu. Jup titda pix soi'm ilhdhat: "Dho gu' gu Dios jich Gi'kora' ji nam aagil'ñdha' na jax jup ilhii'ñ. Aañ nañ gu'r tujuandam tugi'ñ pix, cham bia' iñ nañ jax rum tiida!" ¹⁰ Gu' dhi' dhi ja'tkam ja'pj'i nam moo pu cham ja jur bia', ja'p pix ji nam moo ge'gērkam jim taatit biix aixim kai'chdha' nam sia diihl pu cham maatit kęf' nam jax kai'ñkam jup kai'chdha'. Silh pix nam gammij'i pup kai'chidha' nam jax ilhii'ñdha', ja'p pix ji buan am na jax gu sasoi' na ni ji'x kum ja jur bia'. Dhi' ba' pui' pix ba ji buusan nam diihl gaa'ñchu' nam jax dhui mu ja'k suulhgia' nam pai' gammij'i mi' pup rum tulhii'ñdha'.

¹¹ Tiix buam jiñ aa' iñ ja a'mkam, na gu' dhi' cham bhai' tu ja Jimia', nam gu' buam pix tu bua na jax cham kii' ka'm nii'ñ guch Gi'kora'. Pui' ja'k jup xi chu jim am gu' nat jax tu jii bijik gu Kayiin nat mua gu sipdhi'ñ. Gam nam biix aixim jix buam rum duukam bhaan mui'x mai'chik gu tuumiñ, ja'p nat jax tu jii ip bijik gui' na Balaam jup tiigich, na pu'ñi dai tuumiñ mui'x mai'chim kat. Ba' dhi' saalhiom dai na ja'pni pix ba tu ja dooda' nat jax rum duu bijik gui' na Koree tiigich, nat bhaa gu dibiir nat ge'kam ki'n bam ua'tulh buiñor gu Dios. ¹² Ja'p chi alh moox xi'iraam no'm jai' mijimmiip xi dharaa pai' na pim tu piastatda' daich Xoi'kam jiigi'ñdham na pim jix bhai'm taat ka' buiñor gu Dios. Nam gu' dhi' dhi ja'tkam cham tu' ka'm ti nii'ñ, ni nam jix maatit tu xi'i'ra, ge'gēr bha chu koi'mii am nam ji'x ilhii'ñdha', nam jax dhui pix ba' mi' ba jam ia'ñdha' nam jax jir tuutu'm no'

pim gan ja biiim tu kua'. Nam gu' mu dir bha ja'k pu cham xi jam joi'gi'nda', dai diilh pix nam xim joi'gi'n. Dhi' ja'pni pix ji buan am jia na jax no' tii pix jix chuk sai'chu' gu tibaa', gu' ji no' gu' cham bha duuk, dai na pix ji jim gammiji' pai' na ja'k ua'ka' gu jibiih. Piam ja'pni ip na jax gu jax chu'm i'iix no' cham i'bhai'ñchar sia kut tii bam ai na pai' dhuuk iibhai'ñchai ba bhaaya' git. Ja'p ji buusan nam pu ba ko'iix dhi' dhi ja'tkam, nam gu' cham xiim bam tulhiiña'. ¹³ Gio ba' ja'pni ja'k pix Jup ji buan am dhi' na jax gu ge' suudai' na giilhim bha silh gu'ngukda' no'x jibii. Gu ja ua'tulhdhara' ba' ja'pni ip na jax gu tokso' na mi' dhir ja'p katka' biix suudai' jugii'ñ, jix ikoora' giox chanaara' na jax aa' gu pu chu'm, nam gu' dhi' dhi ja'tkam giilhim bixchu' bhaan jum ua'tulhi'ñ. Ja'pni pix Jup ba ji buan am na jax gu chiichia' no'm gammiji' pix pup jiim, na gu' dhi' ba ja bi'chulhdhix nam mummu ja iabu' maa'n kap na pai' giilhim jix io'm jix chukgam, nam pai' gammiji' mi' pup jum tulhiiñdha'.

¹⁴ Moo pu pui' ba kai'ch ji gu' gui' na Enok tiigich na bijik bhaankamu'n tu a'gimik gu Dios, na mik dir pa'r kuulsi'ñ gu Adaan, na sap jax tu ja Jimia' gu dhi' pu chu'm gu ja'tkam, nap kai'ch: "Alh moo joottom bhai' ka Jim gu Dios jich Gi'kora' ja biiim mui' cham daaxix kam gu noonbi'ñ ¹⁵ na bam aaya' na pai' dhuuk ja aagi'ñdha' biix na ji'k ja'tkam nam tu jax buimii nam duduakat gu ja tutku' bhaan. Ba' mi' dhir dai na ba ja tulhiiñchuda' gui' nam ji'k biix aixim jix buam tu buimii na jax cham kii' ka'm nii'ñ, gam gui' nam biix aixim ai'chuxdhat jix bhaamut a'gimiñ gu Dios." ¹⁶ Ba'

pu'ñi ja'k tu ja Jimia' dhi' dhi ja'tkam nañ jaro'i' bhaan tu a'ga, nam gu' giilhim buam piñ tomaat na jax cham pui' ja'k aa' gu Dios. Jix bhai'x mat kam xim ilhii'ñdha' am gu ñio'ki'ñ gu Dios, gø'gørkam jum taatit gampai' piñ ja ilhdhat jix bhaamut ja aa'nda' am ba' gui' nam silhkam tu a'gada' gu Dios ñio'ki'ñ pui' xi ja ai'chuxdhat nam cham tu' maat, nam sap ba' dai gui' piñ mu ja'k ja kaichgida' gu ja'tkam. Jix bhai'm taat ka' am ba' no' mit mu ja'k ji ja kai, nam gu' mi' piñ ja iatgi'ñdha'.

*Gu Juudas na ja guguuxi'ñdha' guch Xoi'kam
jiig'iñdham nam jax ja'k tui'ñgit gammijix biiñak ka'
buiñor guch Xoi'kam*

¹⁷ Ti'ñchokat japim jiñ jaaduñ jich Xoi'kam bhaan nam jax tu jam a'gidhimik gu noonbi'ñ gu Gø'kam jich Xoi'kam, ¹⁸ nam yup jam titda bo na saak pu'ñi na pai' dhuuk ba miamlhia' na tum kuugalhda' ya' dhi oi'ñga'n, mui' bhai' ji jai'chdhilhia' am gu ja'tkam nam pu'ñi biix aixim tu buada' nam diihl jax ilhii'ñdha', gio gam nam biix aixim xi ja ai'chuxdhat tu' piñ ja ilhii'ñdha' gui' nam bhaankamu'n tii tu a'gada' guch Gi'kora'.

¹⁹ Dho gu' dhi' jim ba' bar di' nam bha ja'p ba oipo jam bui nam ba xi jam kokdhichdhak na pim joidham maap maa'n ñi'ook yup duukat kax biiñak buiñor guch Xoi'kam, na pim sap ba'm ji'dilhkadai mu ja'k ji ja binta' na pim jai' pui' ja'k yup ba tu jimda' nam jax tu jim diihl. Pui' kai'ñkam piñ jam ba' maakam ba xi jam iatgidhak, na gu' dhi' dhi ja'tkam cham tu' ja a'm tajaañix jia gux Dhuudu' kam jix Uañ Ii'mda' na pui' ja'k ja jurtudim nam

ba' xi jam iatgidhak, dïilh pïx ji nam gë'gërkam jim taatit.

20 Ba' aapi'm jiñ jaaduñ jich Xoi'kam bhaan, cha'pim ja këkëeda' no' mit jax ba ji jam iatgi dhi' dhi ja'tkam. Dios japim pix buiñor jix biiñak ka'mi' pui' jiimit na pim pai' jax ba bhïichu'. Gammiji pim tu daanda' buiñor gu Dios na ba' jam aagi'ñdha' gux Dhuudu' kam jix Uañ Ii'mda' na pim jax ja'k tui'ñgida'. **21** Joidham japim tu' ka'm nüidhat mi' pui' xi jiimda' pix na jax pïk ja'k jix aa', dai ji na pim pix ti nülda' janö' na pai' dhuuk bha jim gu Gë'kam jich Xoi'kam, gui' na jaroi'x io'm xich joi'gi'n, na ya' dir jich baidhika' bhammi ja'k jix dhaam nach pai' gammiji xijikgim bap tui'ka'.

22 Jix ja joi'ndat japim jix bhai'p xi ja aagi'ñdha' gui' nam chakui biix ja jujur ki'n ti jiigilñ buiñor guch Xoi'kam nam ba' maatii jum biiñkada' buiñor. **23** Gio jai' dhit nam chakui pai' këe gux bhai'm kai'chdham ñio'ki'ñ gu Dios, jix ja joi'ndat japim xi ja aagi'ñdha' nam jax ja'k duñia' nam ba' cham mu ja'k ka bhïichgida' na pai' giilhim gë' miim gu tai, nam pai' gammiji mi' pup miijidha'. Ku pim ji gu'x bhai' ji nam cham ja'kbui' kat mu ja'k jam bhïichdha' nam jax ja'k tu jim dïilh nam giilhim biix aixim bhaan jum ua'tulhi'ñ. Ja'p ji buusnia' na cham bhaai' na pim gan da'ngida' gu ja jajannulh no' mi ja'p pai' daraa na cham jam ia'ñdha' gu ja ua'tulhdhara', na gu' giilhim gë' mi bhi'sap.

Gu Juudas na gë'kamtu'nda' gu Dios

24 Ku ba' gu' gu Dios jich Xoi'kam dïilh jam pal-hbuidha' ji na pim jax dhui cham gai suulhgia' tu' na pïx bhaan, gui' nat jaroi' bha jimïik tuch ñamkix guch ua'tulhdhara'. Gui' tu jam uañi'ñka' gammiji

no' pim soi'm ilhii'ñ buiñor, na pim ba' cham u'ua'tulhdhix ka' jano' na pai' dhuuk ya' aaya', ba' dai na pim joidham jix bhai'm taattugit ba oidha' bhammi ja'k jix dhaam. ²⁵ Dai gu Dios jach ba' pix buiñor tu daanda' gammiji nat jaroi' xich joi'ndak jich boosolh mu dir na pai'r tu tulhiiñara', na gu' gui'x io'm jir gø'kam, bixchu'x aichu'n na pu tu duñia'. Joidham jix chu joi'gi'n ip, tiñ' nat bhach joochxi gu Gø'kam jich Xoi'kam na ya'ch palhbuidha' nach jax dhui cham mai' ka suulhgia'. Gammijich ba' moo tu daanda' buiñor sia nar pai' dhuuk ka' git. Ja'pni ba' pix tui'ka'.

Gu ñio'ki'ñ gu Dios na bhaan tu a'ga guch xoi'kam

New Testament in Tepehuan, Southeastern (MX:stp:Tepehuan, Southeastern)

copyright © 2007 Wycliffe Bible Translators, Inc.

Language: Tepehuan, Southeastern

Translation by: Wycliffe Bible Translators, Inc.

Tepehuán del sureste [stp], Mexico

Copyright Information

© 2007, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tepehuan, Southeastern

© 2007, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

x

2016-05-05

PDF generated using Haiola and XeLaTeX on 11 Nov 2022 from source files
dated 29 Jan 2022
0f8d31b9-5dd5-5a02-bb46-c2fd0a544e81